



Chësc ultim fin dl'edema él gnü sughé le tan aspeté derby ladin anter le ACD Val Badia y La Val.

Na partida combatüda y emozionanta cina la fin, la VB defënn indere le resultat y se tëgn toch i trëi punc.

Al gran publich apascioné ruvé adalerch al bel ciamp “Pradel” a San Martin él gnü pité na partida ezitënta cina le sciür dla fin. Dal punt d’ odüda dla determinaziun y dl’intesivité de jüch ti va n gran complimënt a trames formaziuns, che á dé düt y deplö por fa le resultat. La Val mëss se sotmët al jüch dla VB dl pröm tëmp mo se refesc spo tla secunda pert, protagonist é chiló le un dla VB Ferdigg che desfantëia n önescmetri.

Dereversala partida, sciöche bele anuzé danfora, stënta La Val a se sbloché y mëss tl metëman se sotmët al jüch aversar. Le mezciamp süga bun le palê y le defensciun dl La Val é scialdi sforzada a trá demez. Val ripartënza ti gareta indere ince ai ghesc, Alex E. se fej lerch sön la pert ciampa y mët amez n bel préparatif bass che passa fora por düta l’area, i atacanc indere ne röia nia a tra te porta. Ala chert’ora respogn la VB y desliëia le grop cun Manuel Clara sön na dijatenziun di ghesc. Le palê vëgn pardü a mezciamp y la passaja filtranta che taia fora la defenjiun ti röia sön le pé a Clara. Chësc ultim pó jí sú cuntra porta y vega la trata bassa sön le pé de porta lunch, le verdaporta Sepl ne röia nia a devié le curan. Dal atra pert dl ciamp vëgn na trata a bót sigü cuntra porta de Stefan deviada dal defensur y ti röia sön le pé a Alex che vega ciamó n iad, ince chësta de püch dlungia porta ia. La defenjiun da La Val mëss ciamó tramoré sön val punizun y trates dal ciantun, ulache i stersc atacanc é rîs da tigní y manacia a radopié le resultat.

**Trames scuadres va tla palsa a ciarié nöies forzes, le pröm tëmp se rüva sön le resultat de 1 a 0 por la VB.**

Le sceter dla partida i passa spo tla secunda fraziun tles mans ai ghesc da La Val. Na gran presciun sön i portadûs dl palê fej alzé düta la scuadra y bel do püc menüt röia le jonn Christian Dapoz al limit a tra cuntra porta. Püch dô vögn archité le jüch por n contrast grô, daulache le atacant da La Val Alex y le defensur dla VB Davide röia a bat adüm le ce sön n stach. Tartan che i sogadús mëss lascé le ciamp da jüch conzed l'arbiter al 60<sup>^</sup> n önescmetri por fal de man da pert dl defensur dla VB. Na gran ocajiun por avalié le resultat; Alex röia indô te ciamp y se prejentëia sön le punt di önescmetri.

Le portier Ferdigg individuëia chilò bun la direziun dla trata y alontenëia inscio le palê cun i pîsc. Sot i scrai de esultanza dl publich vögnel sughé inant y La Val pro da mët da pert l'ocaijun arjumada por porvé danü a ataché. Al 70<sup>^</sup> é la gran reaziun y reflés de Ferdigg che ti dij indô de no ala trata de Stefan. Le medemo vögn sorví cun na passaja bassa al limit y pro la trata al jore sön le pé lunch, Ferdigg sprinza da na pert y còi fora cun les pizes di dëic. Martin Ploner apëna rovè te ciamp pro ince ciamo na trata sëcia da lungia distanza cuntra porta, le palê röia de püch sura la stangia fora. An cunësc che les forzes se röia ince y al dërt momënt anuzëia la VB le momënt de deblëza por castighé zeruch, n gran druch cuntra porta ni fej indere nia ruvè a contluijun. Atres gran ocajiuns ne é nia plö da alzé fora y l'arbiter fej ruvè i nonanta menüt. Le resultat defenü i fej gran parüda ala VB ince sce le pér foss sté plö co iüst.

## ACD Val Badia – US La Val : 1 - 0

**Formaziun La Val:** 1. Sepl Kantioler, 2. Egon Frenes (dal 45<sup>^</sup> Luca Pescollerung), 3. Werner Sottara (dal 50<sup>^</sup> Martin Ploner, dal 75<sup>^</sup> Felix Nagler), 4. Paolo Vallazza, 5. Marco Castlunger, 6. Franz Tolpeit (dal 45<sup>^</sup> Christian Dapoz), 7. Max Nagler, 8. Stefan Sottara - capitán, 9. Adrian Miribung (dal 70<sup>^</sup> Michele Campei), 10. Alex Elzenbaumer, 11. Marco Sottara

**Gol por la Val Badia:** Manuel Clara al 16<sup>^</sup>

**Proscimes partides:**

***La Val süga en domënia ai 18 de october dales 15:30 te ciasa cuntra le Gsiesertal***

***La Val Badia süga en domënia ai 18 de october dala medema ora a Niederdorf cuntra la scuadra de ciasa***

**Resultac dles atres scuadres**

Insëra, mercui ai 23 de auri él gnü sughé l'andata dla semifinala de Copa Provinzia cuntra la scuadra da Ritten, che süga le campionat trës te 3 categoria mo te n ater girone. La scuadra da La Val à incuntè na scuadra sterscia, che à lascè udëi sües cualités portan a ciasa la devënta por 2 a 0. Ai 7 de mà gnaral sughé le ritorno sön le ciamp dl Ritten.